

QUÆSTIO MEDICA.

QVOD LIBETARIIS DISPUTATIONIBVS
manè discutienda in Scholis Medicorum, die Iovis 10. Februarii.

M. NICOLAO MORIN, Doctore Medico,
Præside.

*An in asthma aquæ Borbonienses Arcimbaldicæ præsent
Vichienfibus.*

PROCELLOSUS, ex impedito eundi redeundique commercio, æstuantis animæ in pulmonum euripis, motus, *ἀσθμα* dicitur à Græcis, à Larinis anhelatio, quod est anhelando spirare, *ἀσθμα* dicitur à Græcis, à totius pectoris agitatione, respiratio: eaque plerumque citra febrem; quale scilicet deprehendere est in iis, qui ex velociore cursu aut concitatiore exercitatione, ob præfocationis metum, ab incæpto desistere tandem coguntur. Hoc malum quum in difficultate spirandi consistat; atque adeo partium, quæ respirationi inserviunt, in suo officio deficientium impedimenta consequatur, varium utique & multiplex, pro locorum affectuum varietate, existit; aliudque ad pulmonum aliud ad organorum, quæ thoracem movent, vitia pertinet; tertium ex communi & reciproca utratumque partium *ἐκ τῶν ἀντιμεμελῶν* emergit. Hinc triplex asthma species: merè pneumonici: merè convulsivi & mixti: variat quoque hic morbus; quod recens sit, aut inveteratus: ægri culpâ, aut hæreditario jure contractus, vagus aut periodicus &c.

II.

ASTHMA merè pneumonicum censetur, quum cæteris instrumentis respirationis opus ritè peragentibus, solus pulmo hæret, & suas ipfis, ut debet, non commodat operas: proxima illius causâ, in angustia bronchiorum versatur: seu potius in usu aucto propter angustiam bronchiorum: sive illa *σπασμὸς* ex obstructione; sive ex compressione nascatur. Ubi enim vitalis aura foris intus commens, ad tubulos hosce seu obstructos, seu compressos, offendit; ibique ab accensis in cordis foco fuliginibus, & intus foras viam affectantibus, repulsam patitur:

2

tunc quàm non par sit, per meatuum impedimenta, necessitati commoditas ad pleniorè, pro usu aucto, aeris *ἀέρος*, respirationis organa vires suas agglomerant; & nixibus creberrimè repetitis, quod magnitudini & proportioni debitæ deest, frequentia & velocitate compensant. Hinc asthmatica, difficilis nempe densa & anhelosa respiratio. Ingressuro & exgressuro aeri fores minus patent: quia vel obstruuntur, vel comprimuntur ductus, quos permeare: obstruuntur autem hi meatus: vel obrepentinum & affutim factum serosæ colluviei, aut à capite, quod est rarius; aut à toto corpore, quod frequentius, per arteriam pulmonarem in ipsos decubitus: vel ob tacitam & occultam crassorum & viscidiorum humorum in ipsis collectionem, vel crudum tuberculum clàm & latentèr adnatum: vel denique quod tephacea quædam in iisdem materia, calculorum aut grandinis specie, concreascit: comprimuntur verò illi tubuli quoties ab illis iisdem causis, sed arteriæ aut venæ pneumonicæ ductibus insidentibus, aut adhærescentibus; aggravantur. Asthma merè convulsivum à meris fibrarum notricium spasmi excitatur; & partium ferè omnium respirationis muneri obeundo addictarum, quarum modò hæc, modò illa vel alia in vitio est, symptoma existit: fibrarum nempe vasorum omnium pneumaticorum, diaphragmatis, musculorum pectoris, nervorum pulmonibus insertorum, nec non originum eorundem nervorum intra ipsum cerebrum constitutum: ejus causa fermentum quoddam peculiari modo spiritibus animalibus infusum, quod aut in ipsis fibris muscularibus, aut in ramis & propaginibus nerveis, aut denique circa nervorum origines, nidulatur; paroxysmos autem asthmaticos ciet, quoties ejus, ubi fervet, afflatu tanquàm æstro quodam perciti spiritus, partium illarum incolæ, tumultuantur & in motus irregulares aguntur: tunc enim organorum spirabilium fibras tum nerveas tum motrices, inordinate & tumultuario subeuntes, sollemnes & æquabiles *εὐσεμῶν* & *διασεμῶν* vices interturbant; adeoque respirationis pensum aut sufflaminantes aut pervertentes, asthmaticos insultus inferunt. Asthma denique mixtum contingit, quoties & bronchiorum pulmonis infarctus aut compressio, & fibrarum motricium spasmodica affectio *κωλύει τὴν κίνησιν*, mutuas scilicet in hanc perniciem sibi tradunt operas: cujusmodi originem asthma quodvis immane & inveteratum habere solet.

III.

MISERA & miseranda est asthmaticorum conditio, in quibus ipsiusmet vitæ penetralia, intestinis hisce motibus, non aliter quam terra solet, concutuntur adeò & convelluntur, ut nihil minus quam *ἀλυσίς τῆς βίου* & *φύξις* totius scilicet animalis machinæ dissolutio & ruina impendere videatur. Celer itaque & sedula esse debet medicorum opera, ut dum paroxysmus viget, æger à presenti hoc discrimine asseratur: dum verò in suo fomite sopitus silet, *περὶ ἀπαρτίς τοῦ σπέρματος*, morbosus scilicet apparatus tollatur: quàm igitur turbinum plena hæc in partes

3
spirales tempestas ingruat, quoties congestæ in pulmonibus sordes, vel congenito fermento, vel causarum exteriorum vi, commoventur & turgent; vel exundans ex aliis fontibus diluvies confestim & affutim in ipsos irrui, aut denique respirationis organa spasmodicis motibus, hic & illuc distrahuntur; nullum potentius quàm in sanguinis detractione, pro modulo virium, factâ & repetitâ, auxilium est: divini quippe huius remedii potentiâ, tanquàm Neptuni tridente, motorum humorum fluctus componentur, confluentium ad pulmones sistitur impetus, & sedato spirituum orgasmo, convulsivi motus compeſcentur. Eodem tempore ne viscerum inferiorum præcordia comprimendo, strangulationem augeat; liquanda est & subducenda alvus frequentibus enematis: interdum etiâ, sed tempestivè, movenda convenientibus catharticis; quibus scilicet extenuatum corpus incipiat spiritum trahere commodius; interim exhibenda quæ trachæ ductus aperiant, lubricet & expectorationem promoveant, sumenda nimirum jejuno potui nulla, vel aqua, cum quâ, aut hyssopus cocta, vel contrita capparis radix sit: nec prætermittenda quæ sanguinis exstuantis serum & alia recreamenta per urinas & sudores foras amandant; quo nomine celebris & frequentis sunt usus, pulveres testacei, millepedum præparata; tum substantiæ illæ tenuissimæ, quas ob partium tenuitatem & facilem ascensum, spiritus & sales volatiles vocant spagyrici. Atque hæc sunt auxiliatrices medicorum seu potiùs deorum manus, quarum beneficio miseri asthmatici, vix non ad orcum damnati, etsi non Lucis, saltèm aeris usurâ carentes, ad vitales auras revocantur: verùm brevioris ævi esset hæc felicitas, nec solido gaudio bearet ægrotantem, nisi evulso radicibus fomite, de ejus recurſu securus redderetur: alii aliter optatum hunc finem consecantur: verùm citò tutò & jucundè medebitur, qui thermarum fœtu & potu asthmaticam diathesim eluet.

IV.

GALLIA proprio fundo dives, nec alienæ cijsus piam opis indiga, ut cæteris rebus ad vitam & vitæ beatioris usum, necessariis abundat; sic aquarum quoque spontè calentium, seu thermarum ferax est; quæ variis è locis scaturientes, humanæ caducitati, morbisicis impressionibus undiquè perviæ, fomenta & adminicula, divite & perenni alveo suppeditant: verùm eadem omnium non est laus, nec par ad morbos profligandos momentum. Certant hisce temporibus de primatu, Borbonienses Arcembaldicæ & Vichienses; & ut ancipiti plerumque Marte & alè decernunt: has hoc anno, illas alio, præstantiores esse, aura popularis prædicat, personarum scilicet, quæ alterutras magis aut minus frequentant, splendore, potius quàm curationum, præsertim si in animâ vili aut plebeia fiant, pondere, nominis splendorem & commendationem conferente; sed vanum, falsum & fallax semper & ubique vulgi judicium: tutum quod ex ipsarummet aquarum analysi & principiorum, ex quibus constant, æstimatione profertur. Nullibi gentium medicata-

De la grille de fer : puits rond & communément la grille de bois : puits quarré ou Fontaine des Capucins : du gros boulet, ou du boulet quarré : des deux petits boulets.

4
rum scaturiginum uberior copia, quam in Vichienſi agro : Frigidæ fundit & calidæ : nec deſunt inter utraſque mediæ. calidarum quinque diſtincti fontes : cratis ferreæ, ligneæ, globi quadrati ſeu magni, & duorum parvulorum globulorum : fontes cratis ligneæ fundunt aquam clariffimam aciditatis cujuſdum & amaritudinis participem, ſulphur redolentem. nephriticis creditur infenſa ; ſive quod multas arenulas, quæ tandem in Lapillos concreſcunt, devehat ; ſive plurimo abundet ſale, quo ad potum ineptior evadit : quadrati verò & duorum parvorum globulorum aqua, calore non ita exuberat, imò tepida, aciditate majori prædita, cæterum non diſcrepans ab aliis. minerale, quod in iſtis præpollet, eſt ſal vitriolicum, acre & lixivioſum ; niſi malis dicere duplici hæc ſale, vitriolico ſcilicet & lexivioſo ſimul mixtis, perſuſas eſſe, qualis evaderet aqua communis. ſi tartarum vitriolatum pari copiâ in iſta diſſolveretur. Salem enim inde, aut non multum abſimilem, ac ſi vitriolum commune adhibuiſſes, elicies tincturam. Acris verò & lexivioſi indicium eſt efferveſcentia & ebullitio, quæ ſequitur ex aceti aut cujuſvis alius acidum affuſione, quæ non multum diſcrepat ab eâ, quæ emicat, quando acidum cum alcalibus vulgò dictis miſcentur, ſpargitque fumum ingratiſſimo odore nares ferientem : utroque hoc ſale licet acuantur, ſtomacho nihilominus & hypochondriis graves ſunt ; quod quidem vitrii iſtis ineſt, quoniam ingentem tartaræ cujuſdam & facile lapideſcentis materiæ copiam convehunt ; ut probant locorum ad quæ allabuntur, incruſtamenta, quæ ſaburra illius collectione & concretionem, intra paucos dies, ad altitudinem duorum tranſverſorum digitorum, excreſcunt. Borbonienſes Arcembaldicæ ex tribus exiliunt puteis, è quibus per plures tubulos, in diverſa balnea derivantur : inter potandum labra non nihil niſtulant, nullo nihilominus caloris ſenſu in palato ſuperſtite ; omni extraneo ſapore & odore carent ; ſi tamen frigide hauriantur minùs ſunt grate : ſi fatinam cum iis ſubigas, panem elegantem conficies : quamvis limpidiſſima appareant, ſi reſidere permittas, cremor quidam unctuoſus ſupernat, & in fundo vaſorum, quibus aſſervantur, parum limi craſſiſculi ſubſidet : earum elementa, ſi factâ evaporatione, explores ; nitrum tantummodo reperies, & quidem câ proportionem, ut ex librâ unâ, viginti duo aut tria ejus grana cum tantillo terræ mixta, extrahas : hoc nitrum ſi ſupra prunas ardentes projicias, inſtar nitri communis, crepitabit : ſi à fece ſuâ exuas & cum ſyrupo violaceo miſceas, grate virideſcet ſyrupus ; ſi acidum aliquod ſi peraffundas, rubefcet : ſalis vitriolici expertes eſſe credas, ſi cum gallis aut foliis quercinis ad ignem committas, nec ullam inde in colore mutationem fieri animadvertas : Sulphur vero ſubefſe facies, ſi præparationis magiſterii ſulphuris memor, tantum tartari, quantum opus eſt, ut oculum ſulphur ſolvatur, iſdem admisceas : factâ enim per viginti quatuor horas digeſtione, atque inde levi ebullitione, coloris citrini evadent : ſi deinde acidum quid affundas, lacteſcent

5
qualia phænomena observantur, quando sulphur commune oleo tartari per deliquium facto dissolvitur: atque ex hac aquarum Vichienſium & Arceſbaldicarum *ἀρκεσβελδικῶν* utraque utrius aſthmaticis præſent, inde col- ligat integer judex.

V.

FÆTUM in ovo necabit, ſtrangulans ſcilicet hoc malum in ſuis cunis præfocabit Medicus, qui pulmonum vitia emendaverit, & ſuccreſcentia ſenſim ni nervis ad recurſuros paroxyſmos, fermenta diſcutiet. Peccant pulmones ob meatuum ſuorum anguſtiam ex obſtru- ctione vel compreſſione ortam, propter clandestinam in iſtis craſſo- rum & viſcidorum ſuccorum congeſtionem; vel crudum tuberculum adnatum, vel quod grandinoſum quid aut calculoſum concreverit. Ut eruptura ex his fomitibus damna prævertantur, craſſi humores incidentibus attemnandi: viſcidi abſtergentibus detergendi: ac de- mum utrique convenientibus purgantibus eliminandi. Crudum tuber- culum modò Medici juris ſit, attenuantibus & exſiccantibus, abſu- mendum: calculoſæ denique & grandinoſæ concrectiones, propriis ſol- ventibus amolendæ. Peccat nervoſum ſyſtema, propterea quod pravo quodam & ſpiritibus peculiari modo inſenſo miasmate niſcitur, quod ubi copiâ turgescens, ſuo vel alieno impetu commovetur, ſpiritus & partes ad quas feruntur, in motus inordinatos & reſpirationis legibus planè contrarios, impellit. Independentem ex domeſtico illo hoſte tur- bas præcavebis, ſi ſpiritus diureticis & ſudorificis, ab hac ſarcinâ ex- pedies; effrænes eorum motus, ſulphureorum uſu, gratâ quâdam veluti compe devincies; necnon rigiduſculam adeoque ad numeroſ naturæ ſecti indocilem nervorum ſubſtantiam, emollies. Nuſquàm locupletior nuſquàm pauperior, quàm in ſanando hoc affectu Medi- cina. Locupletem credas, ſi immenſam medicamentorum, quæ præ- ſtant apud auctores, ſylvam oculis & animo perlutres: pauperem & egenam dixeris, ſi aſthmatico aſſidens, & numeroſæ illius ſupellectilis periculum faciens, parem promiſſis eventum non comperias: defi- ciunt quippe ex eo, omnia hæc remedia, quod omnes aſthmatis cau- ſas, ſingula non attingant. Palmarium cenſetur jus galli decrepiti cum iis, quæ dicata ſunt pulmonibus, cocti; quod ſcilicet ob nitroſas & ab- ſtergendi vi præditas partes, quibus abundat, aſthmaticæ materiæ tum præparationi, tum expectorationi, non parum proſit. Verùm utut hæc duo præſtare poſſit, ſanè quum ventrem non ſolvat, primarium fomi- tem, ibi plerumque deliteſcentem, non tollet, quum & illud metuend- dum, ne interiores alvinae regionis recessus permeando, caſpitantis il- lic impuritatis aliquid deterat, & affectis pulmonibus inter circulan- dum aſſigat; eodem lapillo notabis tum millepedum præparata tum ſpiritus & ſales volatiles: quæ omnia, quum nulla iſtis inſit vis pur- gatrix, antecedentem cauſam intactam relinquant & conjunctam; quod diureticâ & diaphoreticâ facultate, partes ejus tenuiores abuſu-

mant, incrassando, malum exasperant & curatu difficilior reddunt:
 nec diffusæ magis sunt energiæ quæcumque bechicorum nomine,
 commendantur, ut eclegmata, hydromelitis species & alia decocta
 pectoralia: hæc enim uni pectori addicta, longius distitas morbi radi-
 ces, non evellunt: at expeditior forsàn per purgationes crebrò re-
 petitas, via? verùm quàm, eisdem in partibus, non siti sint omnes
 morbi foci, nec ejusdem naturæ & indolis, quæ in iis collecta est ma-
 teria, multiplex quoque sit oportet remediū, quod usurpatur, virtus,
 & quæ in universos illos focos, quò singulis prosit, diffundatur. At
 enim si non singula seorsim sanent, sanabit omnium ritè & suis tem-
 poribus dispensatorum syndrome & symmachia; sit ita sanè, quamvis
 tot medicamentorum non rarò inter se pugnantium farrago semper na-
 turæ molesta sit; nihilominus tamen citius tutius & jucundius vale-
 tudini ægrotantis consules, si unicum remedium, sed quod cætera po-
 testate contineat, tres scilicet corporis regiones, propriâ cuique &
 naturæ decretis præscriptâ evacuatione, primam nempe per secessum;
 secundam, per urinas & tertiam, per sudores, ab omni, quâ sordere
 possunt, immunditiâ liberet, quales sunt thermæ, seu aquæ spontè
 calentes, adhibeas. Cave autem ne spretris Borboniensibus, popularis
 te ventus incautum & transversum ad vichienses abripiat: his equi-
 dem suæ sunt dotes: nec omninò de nihilo est, quod earum laudibus,
 pauperum tabernæ, regumque turres, hisce temporibus, ubique per-
 sonent: in omnibus enim morbis, qui ventris inferioris ditionis sunt,
 pendenteque à contumace & altius impactâ hepatis, lienis & pancrea-
 tis obstructione, mirificos afferunt sanitatis fructus: hæc iæterici, mo-
 dò hepar non obdurerit, flavum colorem exuunt: hæc melancholici,
 liene, si non computruerit, ab atrabiliariâ fæce expedito, mentem sa-
 nam in corpore sano adepti, sibi crux & medicorum flagellum esse
 desinunt: hæc cachectici, sanguine & spiritibus, intercepta, recluso
 carcere, stadia remitentibus, pristinam corporis cum nativo cutis
 colore; evexiam recuperant: hæc demum colicis & nephriticis dolori-
 bus obnoxii verum & perpetuum neponthe repèriunt? an verò tot cu-
 rationum exemplis illustres, asthmaticam quoque diathesim debebunt?
 Nequaquàm: sive enim hæc in propaginibus nerveis fibrisque motri-
 cibus, unde asthmaconvulsivum: sive in pulmonum tabulis, unde pneu-
 monicum: sive in utrisque illis partibus, unde mixtum, resideat & fo-
 veatur; aquæ vichienses inutiles sunt aut vitiosæ: inutiles, quòd prop-
 ter ingentem, quâ suburrantur, materiæ sæculentæ copiam, integris
 ad partes affectas viribus, vix deferri possint: vitiosæ, quod si fortè
 ad illas commeari valeant, is commeatu in ægrorum perniciem cedat:
 illud siquidem advectæ sarcinam suam in proximos morbi focos depo-
 nent; unde in pulmonibus *strophæla* major, & in nervis ac fibris mul-
 ticularibus propensio ad spasmos proclivior: sed non solum eo nomine
 asthmaticis sunt exitiosæ; sed etiam, quod vitriolico sale plus æquo

sint imbutæ : quæcumque enim hoc sale suprâ modum acuantur, præterquam quod asthmaticis & thoracicis partibus, unde asthma omne, bellum indixerunt ; tum impingendis altius humoribus potius quam dissolvendis, à naturâ sunt comparata. Aquæ Borbonienses, præcipue Arcimbaldicæ, nam Anselmienses impensius calefaciunt & exsiccant, vichiensibus in juvando sunt superiores, inferiores in nocendo : vim agendi superiorem ipsis tribuunt *λεπτομέρεια & πικυτοεία* : innoxiam *καθαρίσις* : ut puræ sunt nec ullâ extraneâ materiâ suffarcinatæ, partes, quas alluunt à sordibus, quibus inquinantur, innoxie expurgant : nihil metallicum nihil terrenum aut aliud cujusvis damnosæ qualitatis particeps, unde graviorum sub inde sætura morborum, post se relinquentes : ut tenuiores sunt & meabiliores, citius & facilius penitiores viscerum recessus pervadunt, & si quas in angustias impegerint, valentius & commodius expediunt : triplici hæc prærogativâ donatæ, non solum in aluinâ regione, in quâ tamen non minus præstant, quàm Vichienses vim suam exerunt ; sed eam quoque ad pedes, cerebrum, ipsaque corporis pomæria, habitum scilicet & artus latius diffundunt, ibi curationum miracula edituræ : quot enim paralytici, instaurato, earum potu, balneo & factâ per impluvium, irrigatione, dissolutorum nervorum tono, subalaria sua fulcra lavacri postibus appenderunt : quot rheumaticis fluxionibus pedes & manus capti, solutis earundem ope dolorificis hiscè catenis, domum alacres & expediti rediere. Nec inferior ex earum usu asthmaticorum sors : quoniam enim ut lixivium, ex quo sæpo communis conflatur, totam suam vim trahant ex partibus salinis & sulphureis in earum sinu, ignis operâ solutis, & mutuo sic contemperatis, ut salinæ sulphureas acuant ; & sulphureæ salinarum aculeos refrænent & emolliant ; puræ insuper sint & facile meabiles, adeoque totius corporis recrementa non abradsendo ut Vichienses, quæ sale copiosiore & acriore saturantur, sed absque partium, ad quas appellant, detrimento, diluendo scilicet & leniter detergendo, ut potest quarum sales sulphure oblinentur, per sudores, urinas & inferiorem ventrem expellant ; pulmonum quoque & nervorum inquinamenta, integrità & illabarâ eorum substantiâ, exhaurient, sicque asthmaticam cito tutò & jucunde obliterabunt.

Ἰταὶ ἐν ἀσθμῇ ἀπὸ τοῦ ὕδατος τοῦ Βορβονικοῦ τῆς Ἀρτσιμπαλδικῆς πρὸς τὸν ὕδατος τοῦ Βιχιανικοῦ.
 Igitur in astmate aqua Borbonienses Arcimbaldica præstant Vichiensibus.

Domini Doctores disputaturi.

M. Ludovicus Labbé.	M. Josephus Thomasseau.	M. Dionysius Dodart.
M. Andreas Enguehard.	M. Ludovicus Poirier.	M. Dionysius Puyson.
Scholarum Professor.	Scholarum Professor.	
M. Franciscus Girard.	M. Petrus Bonnet Pharmacista Professor.	M. Ioannes-Baptista de Revelois.
rei herbaria Professor.		

Proponebat Lutetiæ FRANCISCUS FOUCAULT
 Genabensis, Baccalaureus Medicus. A. R. S. H. 1684.